

Timersortartut nuna tamakkerlugu unammisartut peqataanerisa taakku sullivinnut imaluunniit ilinniarnernannut sapinngisamik ajoqutaasinnaasumik kinguneqaqqunagu qanoq iliorluni timersortartut nuna tamakkerlugu unammisartut atugaat pitsanngorsarneqarsinnaanersut misissoqqullugu Naalackersuisut peqquneqarnissaannik Inatsisartut aalajangiiffigisassaattut siunnersuut. Kalaallit Nunaanni Timersortartut Kattuffiat, immikkut kattuffiit kiisalu allat susassaartut soqutigisaqaqatigiit misissuinermit UKA2018 tikitsinnagu Inatsisartunut agguanneqartussamut peqataatinneqassapput.

(Inatsisartuni ilaasortaq Nivi Olsen, Demokraatit)

Akissuteqaat

(Ilinniartitaanermit, Kultureqarnermit, Iisimatusarnermit Ilageeqarnermullu Naalackersuisoq)

Siullermeerneqarnera

Naalackersuisut Inatsisartuni ilaasortaq Nivi Olsen, Demokraatit, siunnersuutaa pillugu qutsavigaat.

Naalackersuisut ilisimavaat timersortartut suliffimminnut imaluunniit ilinniakkaminnut atatillugu unammilligassaqaartartut nunarsuarmit akornanni timersornermik ingerlatsinerni peqataasarnerninnut atatillugu.

Naalackersuisut tamatumunnga atatillugu malugeqqussavaat Aningaasanut inatsimmi kontumi pingaarnermi 40.94.13 Timersornermit tapiissutit, 2018-imi aamma atortuusussatut siunnersuutaasumi aningaasanik immikkoortitsisoqarnikummat 250.000 kr.-inik, periarfissaqaqtikkumallugu timersortartut nunarput sinnerlugu nunarsuarmit unammiaartarnerini assigiinngitsuni peqataasartut akissarsiassaminnut annaasaminnut taartisiassaqaartinneqartarnissaat.

Ukiuni kingullerni pingasuni Kalaallit Nunaanni Timersoqatigiit Kattuffiata ukiumut agguaqatigiissillugu 117.000 kr.-it aningaasarsianut annaasanut matussutissatut tapiissutigisarpai.

Ilinniagaqartunut atugassarititaasut eqqarsaatigalugit Ilinniagaqarnerisutit pillugit Namminersorlutik Oqartussat nalunaarutaat nr. 9, ulloq 19. juli 2017-imeersoq naapertorlugu timersortartunut immikkut piginnaanilinnut aamma timersortartunut immikkut piukkunnassuseqartunut tunngatillugu isiginiaasoqarluni immikkut aalajangersagaqarpoq. Nalunaarummi aalajangersakkat naapertorlugit timersornermik immikkut piginnaanillit aamma immikkut piukkunnassusillit ilinniakkamik ingerlatsinissami ataatsimut aalajangersakkani ilaatinneqanngillat. Tamatuma saniatigut ilinniagaqartut aamma ilinniagaqarnerisuteqarsinnaapput ilinniakkani immikkut aqqissuusaaasuni, timersornikkut immikkut piginnaanillit aamma immikkut piukkunnassusillit timersornermik

ingerlatsinerminnik pissuteqartumik ilinniakkanik tapiiffigineqartartumik ingerlatsinissaminnut periarfissaqanngikkunik. Kiisalu aamma periarfissaqarpoq timersornikkut immikkut piginnaanillit aamma piukkunnassusillit immikkut ilassutitut ilinniagaqarnersiutini qiortakkamik tapiiffigineqarsinnaanerat.

Tamatumalu saniatigut Naalakkersuisut ukioq manna 2017-imi Timersoqatigiit Kattuffiannut aamma Elite Sport Greenland-imut naammassisassanut isumaqatigiissut atsiorsimavaat, 2021-ip tungaanut atuuttusaaq. Elite Sport Greenland-imut naammassisassanut isumaqatigiissummi aalajangersarneqarpoq Elite Sport Greenland-i ilinniagaqarnermik ingerlatsivinnut atatillugu peqatigiinnissamut isumaqatigiissummik atsiugaqartassasoq, inissaqartitsisussamik timersornikkut immikkut piginnaanillit aamma piukkunnassusillit ukiup ilinniarfiusup ingerlanerani unammiaarnerni aamma timersornermi sungiusarnerni peqataasarnissaannut inissaqartitsisumik.

Taamatut oqaaseqarluta oqaatigissavarput Naalakkersuisut pisariaqartutut isiginngimmassuk siunnersuutigineqartunut misissuisoqarnissaa, taamaattumillu inassutigissallugu aalajangiiffigisassatut siunnersuut itigartinneqassasoq.